



Vodič za prijavu birača koji borave izvan Bosne i Hercegovine

Vodič za prijavu birača za glasanje izvan BiH za Lokalne izbore u BiH 2012. godine

I. KO MOŽE DA SE PRIJAVI ZA GLASANJE IZVAN BOSNE I HERCEGOVINE?

Izbjegla osoba iz BiH i osoba koja privremeno živi u inostranstvu a ispunjava sljedeće uslove:

- da je državljanin Bosne i Hercegovine,
- da je navršio 18 godina odnosno da će do dana održavanja izbora (07.10.2012.) navršiti 18 godina i
- da ima prijavljeno prebivalište u Bosni i Hercegovini.

II. PRVI PUT SE PRIJAVLJUJETE ZA GLASANJE IZVAN BiH?

1. OSOBA KOJA PRIVREMENO BORAVI IZVAN BiH

Dokumenti koje treba dostaviti su:

- popunjen i svojeručno potpisan **obrazac prijave PRP-1** i
- kopiju jednog **važećeg dokumenta u svrhu dokazivanja identiteta** (lična karta BiH, ili vozačka dozvola BiH, ili pasoš BiH).

2. IZBJEGLA OSOBA IZ BiH

Dokumenti koje treba dostaviti su:

- popunjen i svojeručno potpisan **obrazac prijave PRP-1**
- **dokument u svrhu dokazivanja državljanstva BiH** (uvjerenje o državljanstvu BiH, ne starije od 6 mjeseci ili kopija važećeg pasoša BiH)
- **dokument u svrhu dokazivanja identiteta sa fotografijom** (kopija jedne od važećih ličnih isprava izdatih od strane zemlje domaćina ili kopija izbjegličkog kartona izdatog od vlade zemlje domaćina ili druge međunarodne organizacije).

- **dokaz o prebivalištu u BiH** – kopija stare lične karte ili kopija potvrde o prebivalištu u BiH.

Ukoliko **izbjegla osoba iz BiH** ne dostavi **dokaz o prebivalištu u BiH**, Centralna izborna komisija BiH će provjerom utvrditi da li se nalazi na popisu stanovništva iz 1991. godine. **Ukoliko se izbjegla osoba iz BiH bude nalazila na popisu stanovništva iz 1991. godine**, bit će upisana u Centralni birački spisak za glasanje izvan Bosne i Hercegovine.

II. GLASALI STE NA PRETHODNIM IZBORIMA?

IZBJEGLA OSOBA ILI OSOBA KOJA PRIVREMENO BORAVI IZVAN BiH

Centralna izborna komisija BiH dostavit će Vam **obrazac prijave PRP-2** na adresu koju ste naveli prilikom posljednje prijave za glasanje izvan BiH. Obrazac prijave PRP-2 trebate popuniti, potpisati i dostaviti Centralnoj izbornoj komisiji BiH priloživši uz obrazac **kopiju jednog važećeg identifikacionog dokumenta BiH sa fotografijom:**

- **Lična karta BiH ili**
- **Vozačka dozvola BiH ili**
- **Pasoš BiH.**

Ako ste izbjegla osoba iz BiH, umjesto prethodno navedenih dokumenata kao dokaz identiteta možete priložiti kopiju jednog od sljedećih dokumenata sa fotografijom:

- **Važeća lična isprava izdata od strane zemlje domaćina, ili**
- **Izbjeglički karton izdat od vlade zemlje domaćina ili druge međunarodne organizacije.**

Ukoliko obrazac PRP-2 ne bude stigao na Vašu adresu, prijavu možete izvršiti podnošenjem popunjenog obrasca PRP-1 **najkasnije do 24.07.2012. godine u 24:00 sati.**

III. OBRAZAC PRIJAVE PRP-1 ZA DRŽAVLJANE BiH KOJI SE PRVI PUT PRIJAVLJUJU ZA GLASANJE IZVAN BiH MOŽETE DOBITI PUTEM:

- web-stranice Centralne izborne komisije BiH (www.izbori.ba),

- web-stranice državnih organa (www.mvp.gov.ba),
- diplomatsko-konzularnih predstavništava Bosne i Hercegovine,
- klubova i udruženja građana Bosne i Hercegovine u inostranstvu,
- kancelarija vladinih i nevladinih organizacija koje se bave izbjeglicama i pitanjima migracije.

Državljeni BiH koji se prijavljuju za glasanje za Brčko Distrikt BiH, da bi se nalazili upisani u Centralni birački spisak za glasanje izvan BiH, obavezno moraju označiti biračku opciju. Ukoliko ne označe biračku opciju državljani BiH neće imati pravo glasati za izbor organa Brčko Distrikta BiH niti će im biti dostavljen glasački materijal.

Sve prijave državljana BiH za glasanje izvan BiH moraju biti dostavljene u Centralnu izbornu komisiju BiH najkasnije do 24.07.2012. godine u 24:00 sati kako bi se nalazili na izvodu Centralnog biračkog spiska za glasanje izvan BiH na Lokalnim izborima 2012. godine.

**PRIJAVE ZA GLASANJE IZVAN BiH ŠALJU SE NA ADRESU :
IZBORI U BOSNI I HERCEGOVINI**

Poštanski pretinac 451

71000 Sarajevo

Bosna i Hercegovina

ili

na fax +387 033 251 333 i +387 033 251 334

ili

E-mail: ppprijava@izbori.ba

Provjera statusa obrade za glasanje izvan BiH obaveza je podnosioca prijave.

Provjera se može izvršiti putem dežurnog telefona:

+387 033 251 331 i +387 033 251 332

ili na E-mail:

Info@izbori.ba